



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

12. De conversione vini in fanguinem.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

MEDITATIO XII.

De Conversione vini in Sanguinem.

PUNCTUM PRIMUM.

Hic est calix sanguinis mei : non pars sanguinis, sed totus exhibetur, sicut in passione totus effusus est, cum suffecisset, vel gutta ad satisfactionem ex iustitia, & sanguinem exhibet in vale suo pretioso, in membris, & corpore suo contentum, in quo est anima & divinitas. Et *mei*, inquit, terreni Reges exsugunt sanguinem subditorum, unde postea sunt liberales : Christus suum præbet, indeque nos ditat.

Christus
torum
porrigit
sanguinem.

PUNCTUM II.

Sanguis novi Testamenti. Præstat novum Testamentum veteri, quod vetus sanguine pecudum confirmatum est: Novum autem sanguine Christi, quia nimirum in veteri promittebantur solum bona temporalia, in novo autem spiritualia & æterna, ac in primis ipsa remissio peccatorum, & dona gratiæ & virtutum, & tandem hæreditas æternæ beatitudinis. Nec fuit satis Christo, quòd ut ista nobis promeretur bona, Sanguinem suum in passione fudit; sed etiam voluit ipsum Sanguinem nobis relinquere, tanquam pignus seu tabulas authenticas, quibus testatam reliquit suam ultimam voluntatem de remissione peccatorum, & adoptione per gratiam, vitæque æterna nobis tribuenda.

Cur novi
Testamenti,

Pignus
futuræ
gloriæ
datur.

da. Unde hic Sanguis dicitur *Christi Testamentum*, seu sanguis *Novi Testamenti*.

PUNCTUM III.

Pro multis, quia non omnibus effunditur.

Qui pro vobis & pro multis effundetur in remissionem peccatorum. Pro vobis, speciatim pro ipsis dicit effusum, ut ad compatiendum magis moveat. Et ita, si unus tantum adfuisset, dixisset, pro te, quæ applicatio vim habet emolliendi cor, & consolationem adfert singularem. ergo mihi dictum cogitabo, *effundetur pro te*, & pro multis, & pro omnibus omnino, quantum est ex parte Christi. Et omnes verè dicuntur *multi*: quòd si *multi* intelligantur, quasi non omnes, sed quàm plurimi, tamen id est verum, quantum ad fructus consecutionem, cujus omnes se faciunt participes.

Nullum Christum excludit.

Alioqui nemo omnino ab hujus sanguinis participatione excluditur, quamvis vilis & contemptus, imò quod ad divinum attinet iudicium, tituli omnes mundi, donaque naturæ & fortunæ pro nihilo planè habentur, respectu participandæ gratiæ divinæ, seu fructus passionis dominicæ hominibus applicandi. *In remissionem peccatorum*, sine limitatione (non tam multa & gravia esse possunt, quin sufficiat hic sanguis ad expiandum) *effundetur*, copiam significat, non guttatim, sed quasi rivi fluent.

ME-